


BOSNA I HERCEGOVINA  
TUŽILAŠTVO – TUŽITELJSTVO BOSNE I HERCEGOVINE  
SARAJEVO  
Broj: KT- RZ-2/05

Sarajevo, 28.06.2005.godine

Optužnica K X-KRO/05/04  
POTVRĐENA DANA 08.07.2005.


Sudija



SUDU  
BOSNE I HERCEGOVINE  
- sudiji za prethodno saslušanje -

Na osnovu člana 35. stav 2. tačka h) i člana 226. stav 1. Zakona o krivičnom postupku BiH, p o d i ž e m

## OPTUŽNICU



PROTIV:

**ŠIMŠIĆ BOBANA**, sin Slobodana i majke Jelene, rođene Mosić, rođen u Višegradu 17.12.1967.godine, stalno nastanjen u selu Žlijeb broj 35, opština Višegrad, Srbin, po zanimanju policajac, završio srednju školu - bravar, oženjen, dvoje malodobne djece, odslužio bivšu JNA 1986. godine u Štipu, vodi se u vojnoj evidenciji vojni odsjek Višegrad, nije odlikovan, lošeg imovnog stanja, neosuđivan, državljanin BiH, JMBG 1712967133647, nalazi se u pritvoru u KPZ Kula koji pritvor ističe 24.07.2005.godine,

zbog postojanja osnovane sumnje da je:

U vrijeme širokog i sistematičnog napada srpske vojske i policije, paravojnih srpskih formacija, usmjerenog protiv civilnog bošnjačkog stanovništva na području općine Višegrad, u periodu od aprila do jula 1992.godine, pomagao i vršio progon civilnog bošnjačkog stanovništva na političkoj, nacionalnoj, etničkoj, kulturnoj, vjerskoj osnovi i to ubistvima, prisilnim preseljavanjem stanovništva, zatvaranjem, mučenjem, silovanjem, prisilnim nestankom osoba, premlaćivanjem, ponižavanjem s namjerom nanošenja velike patnje i ozbiljne fizičke i psihičke povrede, oduzimanjem i uništavanjem imovine, tako što je:

1.a) Sredinom maja 1992. godine zajedno u grupi od više-srpskih vojnika naoružanih puškama došli u selo Žlijeb u opštini Višegrad, u kome su zatekli civile [REDACTED] i tri nepokretne stare žene, koji se nisu uspjeli do toga momenta sakriti, pa ih provocirali i maltretirali, a zatim udarali nogama i šakama po svim dijelovima tijela pokušavajući na taj način iznuditi od njih informaciju o mjestu gdje se sakrilo ostalo bošnjačko stanovništvo iz sela;

1.b) Dana 17.06.1992.godine zajedno, u grupi sa više pripadnika srpske vojske i policije, naoružanih puškama, učestvovao u napadu i protivzakonitom hapšenju više desetina civila iz sela Žlijeb, među kojima žene, djecu i muškarce i njihovom zatvaranju, tako što su predhodno pucali iz pušaka po kućama Bošnjaka, a zatim im naredili da napuste svoje kuće i imovinu i okupe se na lokalitet Carina, a zatim ih nagurali na kamione, kojim su ih odvezli i zatvorili u prostorije Vatrogasnog doma u Višegradu;

2. Dana 18.06.1992.godine oko 10,00 sati zajedno, u grupi sa više pripadnika srpske vojske i policije naoružanih puškama učestvovao u napadu na selo Kuka u opštini Višegrad, hapšenju i protivzakonitom zatvaranju više desetina civila Bošnjaka, među kojima žene, djeca i muškarci, tako što su iz pušaka iznenada otvorili vatru po bošnjačkim kućama, zapalili stambene i privredne objekte Bošnjaka, ubili [REDACTED] nakon što su ih prethodno pretukli, a u toku napada ubili [REDACTED], a sve stanovnike sela Kuka odveli i zatvorili u prostorije Osnovne škole "Hasan Veletovac" u Višegradu;

3. Dana 25.07.1992.godine zajedno u grupi od oko deset pripadnika srpske vojske i policije učestvovao u napadu na selo Velji Lug u opštini Višegrad i u tom napadu naoružani puškama ubili [REDACTED] [REDACTED] kuće i privredne objekte Bošnjaka zapalili, a više desetina civila Bošnjaka među kojima žene, djecu i muškarce odveli i protivzakonito zatvorili u prostorije Osnovne škole Hasan Veletovac u Višegradu;

4.a) Neutvrđenog datuma u drugoj polovini juna mjeseca 1992.godine, iz prostorije u kojoj su bili zatvoreni civili Bošnjaci u Vatrogasnom domu u Višegradu, izveo pet djevojaka i pet mlađih žena, među kojima i [REDACTED] i odveo ih u susjednu prostoriju, a zatim zajedno sa dvojicom srpskih vojnika prethodno udarao pendrekom i nogama, a zatim nakon što su sve djevojke i žene po njegovoj naredbi skinule do gola, silovali ih naizmjenično, što je trajalo dva do tri sata i tom prilikom [REDACTED] je zadobila povrede po glavi u vidu krvnih podliva i čvoruga kao i povrede genitalija u vidu krvarenja;

4.b) Dana 18.06.1992.godine zajedno u grupi sa više pripadnika srpske vojske i policije učestvovao u prisilnom oduzimanju novca i zlatnog nakita od više stotina zatvorenih civila Bošnjaka u prostorijama Vatrogasnog doma Višegrad i tom prilikom vršili pretres civila naređujući im da se skidaju do gola;

4.c) Dana 18.06.1992.godine zajedno sa Lukić Milanom, u Vatrogasnom domu u Višegradu, iz prostorije u kojoj su prethodno bili protivzakonito zatvoreni, izdvojili civile Bošnjake: [REDACTED]

a

zatim odveli nedaleko od zgrade Vatrogasnog doma gdje su ih udarali, a potom kamionom odvezli na lokalitet banja Vilina Vlas, odakle je Joksimović Miloje odvojio najmanje sedam muškaraca i to: [REDACTED]

[REDACTED] koje je optuženi Šimšić Boban odvodio po trojicu do rijeke Drine koja protiče u neposrednoj blizini toga mjesta i naređivao im da zagaze do pojasa u vodu, a zatim sa još dvojicom neidentifikovanih srpskih vojnika pucajući iz pušaka lišili života;

5. U drugoj polovini juna mjeseca 1992.godine vršeci dužnost stražara koji je obezbjeđivao zatvorene civile Bošnjake u prostorijama zgrade Osnovne škole Hasan Veletovac u Višegradu, njih više stotina, među kojima žene, djecu i muškarce, sam i zajedno sa drugim pripadnicima srpske vojske, policije i paravojnih formacija učestvovao u ubistvima, mučenjima, nanošenju teških povreda tijela i psihičkih patnji, oduzimanju privatne imovine, prisiljavanju na seksualni odnos djevojaka i mlađih žena, tako što je:

5.a) U noći 28.06.1992.godine zajedno sa Lukić Milanom usmrtili [REDACTED] civila Bošnjaka kojega su iz velike prostorije u kojoj je bio protivzakonito zatvoren sa ostalim civilima izveli u hodnik, a zatim ga Milan Lukić nožem zaklao, dok ga je Šimšić Boban držao za glavu, a zatim njegovu odsječenu glavu ubacili među ostale zatvorene civile;

5.b) Neutvrđenog datuma u drugoj polovini juna mjeseca 1992. godine iz prostorija Osnovne škole Hasan Veletovac u Višegradu u kojoj su bili zatvoreni civili, zajedno sa Milanom Lukićem, odvojili zatvorene civile Bošnjake i to: [REDACTED] i odveli ih iz škole od kada im se gubi svaki trag;

5.c) Neutvrđenog datuma u drugoj polovini juna mjeseca 1992. godine u prostorije Osnovne škole Hasan Veletovac gdje su civili Bošnjaci bili zatvoreni, ušao zajedno sa više pripadnika srpske vojske i izdvojili [REDACTED] kojega su premlatili udarajući ga nogama i gazeći po njegovom tijelu dok je ležao na podu, da bi pritrčala [REDACTED], supruga Hameda, kako bi zamolila da ga ne zlostavljaju jer je srčani bolesnik, na što je optuženi zamahnuo rukom i snažno udario [REDACTED] po licu slomivši joj vilicu, usljed čega se ova zateturala i pala na pod, pa kad je optuženi vidio da se podiže sa poda pritrčao je i uhvatio Hašu za pletenice kose i podigao od poda i tako je odgurao u prostoriju među zatvorene civile, a zatim je udario nogom obuvenom u vojničku čizmu ispod koljena, usljed čega je Haša ponovo pala na pod, a zatim je nastavio udarati nogama po cijelom tijelu, a najviše u predjelu rebara sa strane šutajući je i vukući po zatvorskoj prostoriji, a zatim su joj Mitar Vasiljević i optuženi Šimšić Boban naredili da se skine gola pred svim prisutnim zatvorenicima i tako голу je nastavili tući i kad je ova žena počela gubiti svijest posipali je vodom;

5.d) Neutvrđenog datuma u junu mjesecu 1992.godine u prostorijama Osnovne škole Hasan Veletovac, nakon što je optuženi zajedno sa grupom pripadnika srpske vojske odveo mladb. djevojku [REDACTED] iz prostorije u kojoj su civili bili zatvoreni, koja se uspjela osloboditi bjekstvom, odmah nakon toga su izdvojili

njenu majku [REDACTED] zvanu [REDACTED] i na hodniku je jedan od vojnika iz grupe, držeći objema rukama njenu podužu kosu, podigao od tla i njeno tijelo okrenuo nekoliko puta počupavši joj tako veći dio kose, pa počeo tući po glavi, prsima, nogama i leđima govoreći "Što si [REDACTED] rekla da bježi od nas", a zatim je uveo u prostoriju zajedno sa optuženim i rekao "Sad ćemo vam srca vaditi i peći na ovim pločama" pokazujući na uključene i užarene ploče na električnom štednjaku, a optuženi je kroz smijeh govorio "Sad ćete se najesti", a zatim je ponovo nepoznati vojnik udarao i tom prilikom joj slomio nos izazavši jako krvarenje pokušavajući da joj polomi ruke, a zatim je obojica silovali;

5.e) Tokom druge polovine juna mjeseca 1992.godine svakodnevno u noćnim satima optuženi izdvajao djevojke i mlađe žene koje su bile protivzakonito zatvorene u prostorijama Osnovne škole Hasan Veletovac i odvodio ih kako bi ih sam i zajedno sa drugim pripadnicima srpske vojske silovao ili ih odvodio radi podvođenja drugim pripadnicima srpske vojske i pri tome ih premlaćivao i ponižavao, pa na taj način učestvovao u višestrukim silovanjima, premlaćivanjima i ponižavanjima više ženskih osoba među kojima: [REDACTED], [REDACTED];

5.f) U junu mjesecu 1992. godine prilikom zatvaranja civila u prostorije Osnovne škole Hasan Veletovac, optuženi je zajedno sa drugim pripadnicima srpske vojske i policije učestvovao u prisilnom oduzimanju novca i zlatnog nakita od više stotina zatvorenih civila Bošnjaka i tom prilikom vršili pretres civila naređujući im da se skidaju do gola, te iznuđivali novac od zatvorenih civila tako što bi izveli grupu muškaraca zatvorenika iz zatvorske prostorije i kao protunaknadu da ih vrate žive tražili da im njihove supruge i majke sakupe novac za otkup;

5.g) Tokom boravka u prostorijama zgrade Osnovne škole Hasan Veletovac u drugoj polovini mjeseca juna 1992.godine optuženi je sa drugim pripadnicima srpske vojske i policije učestvovao u premlaćivanju protivzakonito zatvorenih civila Bošnjaka tako što bi izdvajali grupu od oko dvadeset zatvorenika, među kojima: [REDACTED];

[REDACTED] kojima bi naređivali da drvenim štikom (drveni nasad za krampu) udaraju jedan drugog po svim dijelovima tijela, usljed čega su mnogi od njih padali na tlo, a od svih zatvorenika posebno su svake noći premlaćivali [REDACTED] kojega su prvog dana kada je zatvoren postavili ispod koša kada je grupa srpskih vojnika među kojima i optuženi igrala košarku, pa su košarkaškom loptom naizmjenično gađali koš i [REDACTED] u glavu i to jakim udarcima usljed čega je oštećeni [REDACTED] padao u nesvjesno stanje, da bi jedne od narednih večeri optuženi zajedno sa još nekoliko nepoznatih srpskih vojnika izveli iz zatvorske prostorije [REDACTED] i još četvoricu zatvorenika kada su ih u drugoj prostoriji premlatili udarajući ih šakama, nogama obuvenim u vojničke čizme, kundacima pušaka po glavi, leđima i čupali kosu, usljed čega je [REDACTED] izgubio svijest, a od udaraca u predjelu očiju njegove oči su bile potpuno zatvorene; prilikom pretresa i

oduzimanja novca od [REDAKTIRANO] optuženi je istog premlatio tako što ga je više puta kundakom puške udario u prsa, glavu i od zada između plećki, usljed čega se nije mogao sam kretati tako da su ga neki zatvorenici nosili na rukama u povratku u zatvorsku prostoriju;

5.h) U noći 28.06.1992.godine optuženi je ušao u prostoriju gdje su civili bili zatvoreni i izabrao oko dvadeset muškaraca i naredio im da pođu u drugu prostoriju gdje ih je sa grupom srpskih vojnika odmah počeo mlatiti i to: [REDAKTIRANO]

[REDAKTIRANO] kada je optuženi zatvoreniku [REDAKTIRANO] odsjekao jezik izazivajući mu jako krvarenje, a zatim ga odveo iz zgrade Osnovne škole Hasan Veletovac od kada mu se gubi svaki trag, a kada je sutradan [REDAKTIRANO] supruga pitala optuženog da joj kaže šta je bilo sa njenim suprugom istoj je opsovao "balijsku majku" i udario šamar toliko jak da je sa djetetom pala na tlo nalazeći se usljed toga u polusvjesnom stanju;

d a k l e,

radnjama opisanim u tačkama pod 1.a), 1.b), 2., 3., 4a), 4.b), 4.c), 5.a), 5.b), 5.c), 5.d), 5.e), 5.f), 5.g) i 5.h) ove optužnice, kao dio širokog i sistematičnog napada usmjerenog protiv civilnog bošnjačkog stanovništva, znajući za takav napad, izvršio progon civilnog bošnjačkog stanovništva na političkoj, nacionalnoj, etničkoj, kulturnoj i vjerskoj osnovi u vezi sa ubistvom, zatvaranjem, mučenjem, silovanjem, prisilnim nestankom osoba, nanošenjem ozbiljnih fizičkih i psihičkih povreda,


čime bi učinio krivično djelo Zločini protiv čovječnosti iz čl. 172. stav 1. tačka h) u vezi sa tačkama:

- a) lišenje druge osobe života (ubistvo),
- d) prisilno preseljenje stanovništva,
- e) zatvaranje,
- f) mučenje,
- g) prisiljavanje druge osobe upotrebom sile ili prijetnje direktnim napadom na njezin život ili tijelo ili na život ili tijelo njoj bliske osobe, na seksualni odnos ili sa njim izjednačenu seksualnu radnju (silovanje),
- i) prisilni nestanak osoba,
- k) druga nečovječna djela slične prirode učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja (pljačkanje imovine stanovništva, samovoljno i vojnim potrebama neopravdano uništavanje ili prisvajanje imovine u velikim razmjerama), a sve u vezi sa članom 29. Krivičnog zakona Bosne i Hercegovine.

## Prijedlog dokaza:

### *I Saslušanje u svojstvu svjedoka:*

- 1.
- 2.
- 3.
- 4.
- 5.
- 6.
- 7.
- 8.
- 9.
- 10.
- 11.
- 12.
- 13.
- 14.
- 15.
- 16.
- 17.
- 18.
- 19.
- 20.
- 21.
- 22.
- 23.
- 24.
- 25.
- 26.
- 27.



### *II Iznošenje dokaza:*

1. Čitanje iskaza svjedoka [REDACTED], MUP Goražde broj: 07-02/3-1 od 27.01.2005.godine, (umrla)
2. Zapisnik o ispitivanju osumnjičenog Šimšić Bobana, Kantonalno tužilaštvo Goražde KT-13/02 od 03.02.2005.godine,
3. Zapisnik o ekshumaciji Kantonalni sud u Sarajevu broj: Kri-364/00 sa fotodokumentacijom, crtežom lica mjesta i obdukcijским izvještajem ([REDACTED]),
4. Zapisnik o ekshumaciji Kantonalni sud u Sarajevu broj: Kri-358/00 sa fotodokumentacijom, crtežom lica mjesta i obdukcijским izvještajem ([REDACTED]),
5. Zapisnik o ekshumaciji Kantonalni sud u Sarajevu broj: Kri-357/00 sa fotodokumentacijom, crtežom lica mjesta i obdukcijским izvještajem ([REDACTED]),

6. Zapisnik o ekshumaciji Kantonalni sud u Sarajevu broj: Kri-332/00 sa fotodokumentacijom, crtežom lica mjesta i obdukcijским izvještajem (██████████),
7. Zapisnik o ekshumaciji Kantonalni sud u Sarajevu broj: Kri-367/00 sa fotodokumentacijom, crtežom lica mjesta i obdukcijским izvještajem (██████████),
8. Zapisnik o ekshumaciji Kantonalni sud u Sarajevu broj: Kri-347/00 sa fotodokumentacijom, crtežom lica mjesta i obdukcijским izvještajem (██████████),
9. Zapisnik o ekshumaciji Kantonalni sud u Sarajevu broj: Kri-448/00 sa fotodokumentacijom, crtežom lica mjesta i obdukcijским izvještajem (██████████),
10. Zapisnik o ekshumaciji Kantonalni sud u Sarajevu broj: Kri-335/00 sa fotodokumentacijom, crtežom lica mjesta i obdukcijским izvještajem (██████████),
11. Zapisnik o ekshumaciji Kantonalni sud u Sarajevu broj: Kri-334/00 sa fotodokumentacijom, crtežom lica mjesta i obdukcijским izvještajem (██████████),
12. Zapisnik o ekshumaciji Kantonalni sud u Sarajevu broj: Kri-456/00 sa fotodokumentacijom, crtežom lica mjesta i obdukcijским izvještajem,
13. Zapisnik o ekshumaciji Kantonalni sud u Sarajevu broj: Kri-493/00 sa fotodokumentacijom i obdukcijским izvještajem (██████████),
14. Izvještaji o kriminalističko-tehničkoj pretrazi lica mjesta MUP – Sarajevo (odnosi se na dokaze pod rednim brojem 4-10), šest (6) izvještaja,
15. Izvještaj o kazni Policijska stanica Višegrad broj: 13-1-11/02-234-60/05 od 06.06.2005.godine,
16. Zapisnik o uviđaju Kantonalni sud Goražde broj: Kri-4/03 od 27.05.2003.godine,
17. Službena zabilješka Kantonalni sud Goražde broj: Kpp: 2/05 od 28.01.2005.godine,
18. Potvrda o predaji osobe lišene slobode Sudska policija broj: Sp-10-19/05 od 24.01.2005.godine,
19. Potvrda o prijemu osobe lišene slobode broj: Sp-10-19/05 od 24.01.2005.godine,
20. Zapisnik o lišenju slobode Uprava policije Sarajevo broj: 09-12/01-04-7-2808 od 24.01.2005.godine,
21. Izvod iz matične knjige umrlih ██████████ broj: 202-5293/04 od 21.06.2004.godine,
22. Rješenje o određivanju pritvora Kantonalni sud Goražde broj: Ki:21/02 od 15.04.2003.godine,
23. Rješenje o produženju pritvora Okružni sud Istočno Sarajevo broj: Kv-8/05 od 23.02.2005.godine,
24. Rješenje o produženju pritvora Vrhovni sud Republike Srpske, broj: KR-17/05 od 12.05.2005.godine,
25. Rješenje Vrhovnog suda Republike Srpske broj: Kž-88/05 od 14.06.2005.godine,
26. Službena zabilješka sa sastanka koji je održan u Misiji Ujedinjenih naroda u Sarajevu od 11.05.2005.godine

27. Službena zabilješka o obavljenom razgovoru sa [REDACTED] sačinjena u Tužilaštvu BiH dana 23.06.2005.godine,
28. Podaci o radnom angažovanju Šimšić Bobana, dopis CJB Istočno Sarajevo, PS Višegrad, broj: 13-1-11/01-29-52/05 od 17.06.2005.godine,
29. Presuda – ICTY IT – 98 – 32 "VIŠEGRAD" protiv Mitra Vasiljevića.

## **Rezultat istrage:**

Tokom istrage prikupljeni su brojni dokazi koji u cijelosti rasvjetljavaju događaje u kojima je učestvovao optuženi Šimšić Boban.

Napad na grad Višegrad i mnoga sela u općini Višegrad tokom mjeseci aprila, maja, juna i jula 1992.godine izvršili su lokalni Srbi, policija i paravojne formacije koji su pokrenuli jednu od najzloglasnijih kampanji etničkog čišćenja u Bosni i Hercegovini. Njena namjena je bila da se iz općine Višegrad zauvijek uklone njegovi stanovnici Bošnjaci. Srpske snage napale su i razorile više sela naseljenih Bošnjacima.

Opština Višegrad smještena je u jugoistočnom dijelu Bosne i Hercegovine, a na svojem istočnom rubu graniči sa Republikom Srbijom. Gradsko središte opštine, Višegrad, nalazi se na lijevoj obali Drine. Godine 1991. opština je imala oko 21.000 stanovnika, od čega je u samom gradu Višegradu živjelo njih oko 9.000. Približno 63% stanovništva bilo je bošnjačke nacionalnosti, a oko 33% srpske. U novembru 1990. u opštini su održani višestranački izbori. Većinu glasova osvojile su dvije stranke: SDA (Stranka demokratske akcije), uglavnom bošnjačka, i SDS (Srpska demokratska stranka), uglavnom srpska. Rezultati izbora gotovo su potpuno odgovarali nacionalnom sastavu stanovništva opštine tako da je 27 od 50 mjesta u opštinskoj skupštini dobio SDA, a 13 SDS. Srpski političari nisu bili zadovoljni takvom raspodjelom uticaja i smatrali su da su nedovoljno zastupljeni na položajima vlasti. Ubrzo su planule međunacionalne napetosti. Početkom 1992. godine građani bošnjačke nacionalnosti su razoružani ili je od njih zatraženo da predaju oružje. Istovremeno su se Srbi počeli sâmi naoružavati i organizovati vojnu obuku. Pokušali su se organizovati i Bošnjaci ali manje uspješno. Od 4. aprila 1992., srpski političari su uporno počeli tražiti da se policija podijeli po nacionalnostima. Ubrzo nakon toga, obje suprotstavljene strane su podigle barikade oko Višegrada nakon čega je uslijedilo sporadično nasilje uključujući pucnjavu i granatiranje. U jednom takvom incidentu, otvorena je minobacačka vatra na bošnjačka naselja tako da je mnogo civila, bojeći se za svoje živote, pobjeglo iz svojih sela. Početkom aprila 1992. jedan Višegrađanin bošnjačke nacionalnosti, Murat Šabanović, preuzeo je kontrolu nad tamošnjom riječnom branom i zaprijetio da će otvoriti branu. Dana 13. aprila 1992., Šabanović je ispuštao nešto vode čime su nanesene štete imanjima nizvodno. Narednog dana je intervenisao Užički korpus Jugoslovenske narodne armije (JNA), preuzeo kontrolu nad branom i ušao u Višegrad. Iako je mnogo Bošnjaka iz Višegrada pobjeglo upravo bojeći se dolaska Užičkog korpusa JNA-a, kada se to stvarno dogodilo, prisustvo Korpusa imalo je isprva smirujući efekt. Nakon što su obezbijedili grad, oficiri JNA i vođe Bošnjaka povelili su zajedničku kampanju



putem sredstava informisanja ne bi li ljude ohrabрили da se vrate svojim domovima. Krajem aprila 1992. mnogi su to zaista i učinili. JNA je inicirala i pregovore između dviju strana, u pokušaju da se razriješi međunacionalna napetost. Neke Bošnjake je međutim zabrinjavala činjenica da se u sastavu Užičkog korpusa nalaze isključivo Srbi. Ubrzo nakon toga, organizovani su konvoji iza kojih su mnoga sela ostala bez svojih stanovnika Bošnjaka. U jednom navratu, na fudbalski stadion u Višegradu dovedene su hiljade Bošnjaka iz sela iz prigradskog područja Višegrada s obje strane Drine. Ljudi su tamo podvrgnuti pretresu kojim se tražilo oružje i obratio im se zapovjednik JNA-a. On im je rekao da oni koji žive na lijevoj obali Drine mogu da se vrate u svoja sela koja su očišćena od "reakcionarnih snaga", dok stanovnici desne obale Drine nisu pušteni da se vrate. Zbog toga je mnogo ljudi sa desne obale Drine ostalo u Višegradu, odlučilo se skrivati ili pobješlo. Dana 19. maja 1992. JNA se povukla Višegrada. Paravojne jedinice su ostale, da bi odmah nakon odlaska armije iz grada pristiglo još njih. Priključilo im se nešto lokalnih Srba. Dokazi su pokazali da neke od tih paravojnih grupa ubijaju ili pljačkaju Bošnjake samo zato što su bošnjačke nacionalnosti.

Srpska paravojna grupa koja je bila posebno nasilna i ulijevala najveći strah bila je grupa koju je vodio Milan Lukić, u kojoj je i optuženi preduzimao svoju zločinačku aktivnost. U nekoliko sedmica ta je grupa počinila velik broj zločina u rasponu od pljačke do ubistva. Optuženi se u inkriminirano vrijeme često viđao u društvu sa Milanom Lukićem i pojedincima iz njegove grupa i znao je da ta grupa vrši sistematične i rasprostranjene napade na bošnjačko stanovništvo. Bošnjaci koji su ostali u Višegradu i oni koji su se vratili svojim kućama zatekli su se u klopki - razoružani i prepušteni na milost i nemilost paravojske koja je dejstvovala uz saučesništvo - ili u najmanju ruku sa prešutnim odobravanjem - srpskih vlasti, a naročito policije koja je tada već bila samo srpska. Sredinom maja 1992. godine optuženi je učestvovao u premlaćivanju prilikom isptivanja više civila Bošnjaka u selu Žlijeb među kojima i tri stare zene koje su bile nepokretne koje nisu mogle kao ostalo bošnjačko stanovništvo sakrivati se po obližnjim šumama. Već u junu 1992. počelo je samovoljno ubijanje civila Bošnjaka. U jednom takvom incidentu koji se dogodio 7. juna 1992. Milan Lukić, Mitar Vasiljević sa još dvojicom vojnika odveli su na obalu Drine sedmoricu Muslimana koji su ondje strijeljani. Dana 14. juna 1992. lokalni Srbi iz paravojne grupe pod vodstvom Milana Lukića zatvorili su u jednu muslimansku kuću u Pionirskoj ulici u Višegradu više od 60 bošnjačkih različite životne dobi koji su bježali iz Koritnika i Sasa. Kuću su zatim zapalili. U one koji su pokušali da pobjegnu kroz jedan od prozora pucalo se, te su svi osim šest osoba živi izgorjeli. U Višegradu se u tom periodu dogodilo i mnogo drugih incidenata samovoljnog ubijanja civila. Tokom nekoliko narednih mjeseci ubijene su stotine Bošnjaka muškaraca, žena, djece i starijih osoba. Mnogi od ubijenih bili su jednostavno bačeni u Drinu tako da je nađeno mnogo leševa koji su plutali rijekom. Među svim tijelima izvučenim iz vode samo je jedno, kako se čini, pripadalo osobi srpske nacionalnosti. Iz masovnih grobnica na teritoriji opštine Višegrad i u njenoj okolini ekshumirane su još stotine muslimanskih civila svih dobi i oba pola. Nestajanje ljudi vrhunac je doseglo u junu i julu 1992. godine. Šezdeset i dva odsto ukupno nestalih u opštini Višegrad 1992. godine nestalo je tokom ta dva mjeseca. Većina, ako ne i

svi nestali bili su civili. Obrazac i dinamika nestajanja ljudi u Višegradu odgovarali su obrascu i dinamici u susjednim opštinama koje danas pripadaju Republici Srpskoj. Nestanci ljudi u tim raznim susjednim opštinama odvijali su se približno u isto vrijeme. Građani bošnjačke nacionalnosti bili su podvrgavani i drugim oblicima zlostavljanja i ponižavanja kao što je silovanje i premlaćivanje. Mnogima su od njih oduzeli stvari od vrijednosti, zlatni nakit i novac. Veliki broj civila nesrpske nacionalnosti koji još nisu bili izbjegli, bili su sistematski protjerivani na organizovani način i protivzakonito zatvarani i tom prilikom mnogi su ubijani i premlaćivani u čemu je i optuženi učestvovao na način kako je to navedeno u dispozitivu optužnice.

Taj proces je urodio time da je potkraj 1992. godine u Višegradu ostalo veoma malo građana bošnjačke nacionalnosti. Stotine njih samovoljno su lišene života, dok su njih hiljade protjerane uz primjenu sile ili su prisilno - nasiljem i zastrašivanjem - premještene. Danas su stanovnici Višegrada većinom srpske nacionalnosti. Tako drastične promjene u nacionalnom sastavu sistematski su se događale širom teritorije današnje Republike Srpske, no s aspekta međusobnog omjera stanovništava, promjene koje su se dogodile u Višegradu po veličini stoje odmah na drugom mjestu iza Srebrenice.

Navodi optužnice potkrijepljeni su predloženim dokazima, koji su prikupljeni tokom istrage, a koji će se izvesti na glavnom pretresu.

Da je na području općine Višegrad, na sela nastanjena bošnjačkim stanovništvom i gradu Višegrad izvršen napad od strane naoružanih vojnih formacija sastavljenih od lokalnih Srba, paravojnih formacija i policije, koji je bio sistematičan i rasprostranjen tj. da su zločini izvršeni masovno i na organizovan način, potvrđuju navodi iz Presude Međunarodnog krivičnog suda za područje bivše Jugoslavije – ICTY IT – 98 – 32” VIŠEGRAD” protiv Mitra Vasiljevića.

Da su radnje i postupci optuženog bili dio takvog napada kako po karakteru tako i po posljedicama i da je optuženi bio svjestan da taj napad postoji i da su njegove radnje i postupci sastavni dio toga napada potvrdili su svjedoci u svojim iskazima. Tako je prema iskazima predloženih svjedoka optuženi svoju zločinačku aktivnost preduzimao u više napada, na različitim lokacijama, učestvujući u više sela u napadima, Žlijeb, Kuka, Velji Lug, u Vatrogasnom domu i u Osnovnoj školi Hasan Veletovac u Višegradu i učešću u izvršenju progona Bošnjaka na različite načine npr. višestrukim ubistvima, mučenjima, silovanjem, prisilnim nestankom, zatvaranjem, pljačkanjem itd.

Iz iskaza saslušanih svjedoka, koji su istovremeno i žrtve krivičnog djela koje se optuženom stavlja na teret, proizilazi da su bili izloženi napadu kakav je bio u to vrijeme izvršen na njih i njihovu imovinu. U tim napadima optuženi je najčešće učestvovao u grupama srpskih vojnika, paravojnih formacija i policije koji su vršili progon bošnjačkog stanovništva na političkoj, nacionalnoj, etničkoj i vjerskoj osnovi vršenjem višestrukih ubistava, mučenjem, zatvaranjem, premještanjem, silovanjem, prisilnim nestankom, oduzimanjem i uništavanjem privatne imovine.

Svjedoci koji su u istrazi saslušani su ustvrdili da su mnogi od njih i prije rata poznavali Šimšić Bobana, neki od njih su bili njegove prve komšije, zajedno odrastali, išli u školu, družili se, dok su neki svjedoci prvi put upoznali optuženog

Šimšić Bobana u Vatrogasnom domu i Osnovnoj školi Hasan Veletovac, i to tako što su svakodnevno viđali optuženog dok je vršio dužnost na tim mjestima i dok je učestvovao u radnjama krivičnog djela opisanim u izreci ove optužnice, a o njegovom identitetu govorili su im svjedoci koji su ga od ranije poznavali. U napadima na sela Žlijeb, Kuka i Velji Lug saslušani svjedoci su ustvrdili da je učestvovao jer su ga prepoznali i umjesto pomoći koju su očekivali od njega kao svog poznanika i komšije od istog su pretrpili nasilje i odvođenje na mjesta gdje su protivzakonito zatvarani. Svjedoci: [REDACTED]

[REDACTED] su u svojim iskazima opisali napad na selo Kuke u kom je učestvujući optuženi, nakon predhodnog zlostavljanja, usmrtio [REDACTED] i [REDACTED].

Da je optuženi vršio silovanje ženskih osoba dok su bile zatvorene u Vatrogasnom domu u Višegradu, potvrdile su svojim iskazima oštećena [REDACTED] [REDACTED].

U odvođenju osamnaest muškaraca Bošnjaka iz Vatrogasnog doma u Višegradu, njihovom zlostavljanju i ubistvu sedmorice od njih, je prema iskazima više svjedoka, od kojih [REDACTED]

[REDACTED] učestvovao optuženi Šimšić Boban, a posebno prema iskazu [REDACTED] svjedoka koji je zajedno sa [REDACTED] sa bliske udaljenosti posmatrao kako optuženi zajedno sa dvojicom nepoznatih vojnika na lokalitetu banja Vilina Vlas pucajući iz puške ubija sedmoricu zatvorenika, i to: [REDACTED]

Ubistvo Šabanović Ibri, u noći 28.06.1992.godine u prostorijama Osnovne škole Hasan Veletovac u kom je učestvovao optuženi vidjeli su i u svojim iskazima potvrdili svjedoci: [REDACTED]

[REDACTED] i drugi, a da je iz iste škole optuženi zajedno sa Milanom Lukićem izdvojio i odveo zatvorenike [REDACTED],

[REDACTED], kojima se od tada gubi svaki trag, potvrdili su svjedoci: [REDACTED]

[REDACTED] i drugi.

Da je optuženi na istom mjestu zajedno sa drugim pripadnicima srpske vojske učestvovao u mučenju [REDACTED] zване [REDACTED] potvrdili su svjedoci [REDACTED] i drugi.

Da je optuženi na način opisan u tački 5.e) optužnice, sam vršio ili učestvovao sa drugim u silovanju ženskih osoba i pri tome u njihovom premlaćivanju i ponižavanju potvrđuju svjedoci u svojim iskazima: [REDACTED]

[REDACTED] i drugi.

Okolnosti pod kojim je optuženi zajedno sa drugim pripadnicima srpske vojske učestvovao u fizičkom zlostavljanju, premlaćivanju i mučenju zatvorenika kako je to opisano u tački 5 g) i 5 h) optužnice potvrdili su u svojim iskazima svjedoci: [REDACTED]

[REDACTED] i drugi.

Predloženi dokazi kao što su zapisnici o izvršenim ekshumacijama, u prilogu kojih se nalazi fotodokumentacija i obdukcioni nalazi predstavljaju materijalni dokaz o smrti i uzrocima smrti pojedinih osoba u čijem usmrćivanju je učestvovao optuženi Šimšić Boban.

### **Materijal koji potkrepljuje navode optužnice:**

1. Zapisnik o ispitivanju osumnjičenog Šimšić Bobana, Kantonalno tužilaštvo Goražde KT-13/02 od 27.01.2005.godine,
2. Zapisnik o ispitivanju osumnjičenog Šimšić Bobana, Kantonalno tužilaštvo Goražde KT-13/02 od 03.02.2005.godine,
3. Zapisnik o saslušanju svjedoka [REDACTED], KT-RZ-2/05 od 21.06.2005.godine,
4. Zapisnik o saslušanju svjedoka [REDACTED], KT-RZ-2/05 od 06.06.2005.godine,
5. Zapisnik o saslušanju svjedoka [REDACTED] MUP Goražde broj: 07-02/3-1 od 08.02.2005.godine,
6. Zapisnik o saslušanju svjedoka [REDACTED], KT-RZ-2/05 od 03.06.2005.godine,
7. Zapisnik o saslušanju svjedoka [REDACTED], KT-RZ-2/05 od 03.06.2005.godine,
8. Zapisnik o saslušanju svjedoka [REDACTED], MUP Goražde broj: 07-02/3-1 od 07.01.2004.godine,
9. Zapisnik o saslušanju svjedoka [REDACTED], KT-RZ-2/05 od 31.05.2005.godine,
10. Zapisnik o saslušanju svjedoka [REDACTED], KT-RZ-2/05 od 31.05.2005.godine,
11. Zapisnik o saslušanju svjedoka [REDACTED] MUP Goražde broj: 07-02/3-1 od 01.02.2005.godine,
12. Zapisnik o saslušanju svjedoka [REDACTED], KT-RZ-2/05 od 31.05.2005.godine,
13. Zapisnik o saslušanju svjedoka [REDACTED], KT-RZ-2/05 od 30.05.2005.godine,
14. Zapisnik o saslušanju svjedoka [REDACTED], KT-RZ-2/05 od 30.05.2005.godine,
15. Zapisnik o saslušanju svjedoka [REDACTED], KT-RZ-2/05 od 30.05.2005.godine,
16. Zapisnik o saslušanju svjedoka [REDACTED], KT-RZ-2/05 od 30.05.2005.godine,
17. Zapisnik o saslušanju svjedoka [REDACTED], KT-RZ-2/05 od 27.05.2005.godine,
18. Zapisnik o saslušanju svjedoka [REDACTED], MUP Goražde broj: 07-02/3-1 od 24.09.2003.godine,
19. Zapisnik o saslušanju svjedoka [REDACTED], KT-RZ-2/05 od 27.05.2005.godine,

20. Zapisnik o saslušanju svjedoka [REDACTED], MUP Goražde broj: 07-02/3-1 od 01.02.2005.godine,
21. Zapisnik o saslušanju svjedoka [REDACTED], KT-RZ-2/05 od 27.05.2005.godine,
22. Zapisnik o saslušanju svjedoka [REDACTED], MUP Goražde broj: 07-02/3-1 od 01.02.2005.godine,
23. Zapisnik o saslušanju svjedoka [REDACTED], KT-RZ-2/05 od 26.05.2005.godine,
24. Zapisnik o saslušanju svjedoka [REDACTED], MUP Goražde broj: 07-02/3-1 od 27.01.2004.godine,
25. Zapisnik o saslušanju svjedoka [REDACTED], KT-RZ-2/05 od 26.05.2005.godine,
26. Zapisnik o saslušanju svjedoka [REDACTED], MUP Goražde broj: 07-02/3-1 od 08.02.2005.godine,
27. Zapisnik o saslušanju svjedoka [REDACTED], KT-RZ-2/05 od 26.05.2005.godine,
28. Zapisnik o saslušanju svjedoka [REDACTED], KT-RZ-2/05 od 26.05.2005.godine,
29. Zapisnik o saslušanju svjedoka [REDACTED], KT-RZ-2/05 od 26.05.2005.godine,
30. Zapisnik o saslušanju svjedoka [REDACTED], KT-RZ-2/05 od 25.05.2005.godine,
31. Zapisnik o saslušanju svjedoka [REDACTED], MUP Goražde broj: 07-02/3-1 od 09.04.2004.godine,
32. Zapisnik o saslušanju svjedoka [REDACTED], KT-RZ-2/05 od 25.05.2005.godine,
33. Zapisnik o saslušanju svjedoka [REDACTED], MUP Goražde broj: 07-02/3-1 od 19.11.2003.godine,
34. Zapisnik o saslušanju svjedoka [REDACTED], KT-RZ-2/05 od 25.05.2005.godine,
35. Zapisnik o saslušanju svjedoka [REDACTED], KT-RZ-2/05 od 25.05.2005.godine,
36. Zapisnik o saslušanju svjedoka [REDACTED], MUP Goražde broj: 07-02/3-1 od 05.05.2004.godine,
37. Zapisnik o saslušanju svjedoka [REDACTED], KT-RZ-2/05 od 25.05.2005.godine,
38. Zapisnik o saslušanju svjedoka [REDACTED], MUP Goražde broj: 07-02/3-1 od 08.02.2005.godine,
39. Zapisnik o saslušanju svjedoka [REDACTED], KT-RZ-2/05 od 24.05.2005.godine,
40. Zapisnik o saslušanju svjedoka [REDACTED], MUP Goražde broj: 07-02/3-1 od 05.05.2004.godine,
41. Zapisnik o saslušanju svjedoka [REDACTED], KT-RZ-2/05 od 24.05.2005.godine,
42. Zapisnik o saslušanju svjedoka [REDACTED], MUP Goražde broj: 07-02/3-1 od 05.05.2004.godine,
43. Zapisnik o saslušanju svjedoka [REDACTED], KT-RZ-2/05 od 24.05.2005.godine,

44. Zapisnik o saslušanju svjedoka [REDACTED] KT-RZ-2/05 od 24.05.2005.godine,
45. Zapisnik o saslušanju svjedoka [REDACTED] MUP Goražde broj: 07-02/3-1 od 27.01.2005.godine,
46. Zapisnik o saslušanju svjedoka [REDACTED] MUP Goražde broj: 07-02/3-1 od 09.04.2004.godine,
47. Zapisnik o saslušanju svjedoka [REDACTED] MUP Goražde broj: 07-02/3-1 od 27.01.2005.godine,
48. Pismo preporuke Ureda tužioca Međunarodnog krivičnog suda za bivšu Jugoslaviju za osumnjičenog Šimšić Bobana broj: RU 20050407-01 od 13.aprila 2005.godine,
49. Izvod iz matične knjige umrlih za lice [REDACTED] broj: 04-202-7218/04 od 30.11.2004.godine,
50. Izvod iz matične knjige umrlih za lice [REDACTED] broj: 202-5293/04 od 21.06.2004.godine,
51. Zapisnik o ekshumaciji Kantonalni sud u Sarajevu broj: Kri-364/00 sa fotodokumentacijom, crtežom lica mjesta i obdukcijским izvještajem ([REDACTED]),
52. Zapisnik o ekshumaciji Kantonalni sud u Sarajevu broj: Kri-358/00 sa fotodokumentacijom, crtežom lica mjesta i obdukcijским izvještajem ([REDACTED]),
53. Zapisnik o ekshumaciji Kantonalni sud u Sarajevu broj: Kri-357/00 sa fotodokumentacijom, crtežom lica mjesta i obdukcijским izvještajem ([REDACTED]),
54. Zapisnik o ekshumaciji Kantonalni sud u Sarajevu broj: Kri-332/00 sa fotodokumentacijom, crtežom lica mjesta i obdukcijским izvještajem ([REDACTED]),
55. Zapisnik o ekshumaciji Kantonalni sud u Sarajevu broj: Kri-367/00 sa fotodokumentacijom, crtežom lica mjesta i obdukcijским izvještajem ([REDACTED]),
56. Zapisnik o ekshumaciji Kantonalni sud u Sarajevu broj: Kri-347/00 sa fotodokumentacijom, crtežom lica mjesta i obdukcijским izvještajem ([REDACTED]),
57. Zapisnik o ekshumaciji Kantonalni sud u Sarajevu broj: Kri-448/00 sa fotodokumentacijom, crtežom lica mjesta i obdukcijским izvještajem ([REDACTED]),
58. Zapisnik o ekshumaciji Kantonalni sud u Sarajevu broj: Kri-335/00 sa fotodokumentacijom, crtežom lica mjesta i obdukcijским izvještajem ([REDACTED]),
59. Zapisnik o ekshumaciji Kantonalni sud u Sarajevu broj: Kri-334/00 sa fotodokumentacijom, crtežom lica mjesta i obdukcijским izvještajem ([REDACTED]),
60. Izvještaji o kriminalističko-tehničkoj pretrazi lica mjesta MUP – Sarajevo (odnosi se na dokaze pod rednim brojem 52-58), šest (6) izvještaja,
61. Zapisnik o ekshumaciji Kantonalni sud u Sarajevu broj: Kri-456/00 sa fotodokumentacijom, crtežom lica mjesta i obdukcijским izvještajem,
62. Zapisnik o ekshumaciji Kantonalni sud u Sarajevu broj: Kri-493/00 sa fotodokumentacijom i obdukcijским izvještajem ([REDACTED]),

63. Fotodokumentacija sa ekshumacije, Velji Lug, Višegrad, broj: 15/03 sa crtežom lica mjesta broj: 14/2003, izvještajem o sudsko-medicinskoj ekspertizi i DNK izvještajem za [REDACTED] (broj slučaja 608),
64. Fotodokumentacija sa ekshumacije, Velji Lug, Višegrad, broj: 15/03 sa crtežom lica mjesta broj: 14/2003, izvještajem o sudsko-medicinskoj ekspertizi (broj slučaja 609),
65. Fotodokumentacija sa ekshumacije, Velji Lug, Višegrad, broj: 15/03 sa crtežom lica mjesta broj: 14/2003, izvještajem o sudsko-medicinskoj ekspertizi (broj slučaja 610),
66. Fotodokumentacija sa ekshumacije, Velji Lug, Višegrad, broj: 15/03 sa crtežom lica mjesta broj: 14/2003, izvještajem o sudsko-medicinskoj ekspertizi (broj slučaja 611),
67. Fotodokumentacija sa ekshumacije, Velji Lug, Višegrad, broj: 15/03 sa crtežom lica mjesta broj: 14/2003, izvještajem o sudsko-medicinskoj ekspertizi (broj slučaja 612),
68. Fotodokumentacija sa ekshumacije, Velji Lug, Višegrad, broj: 15/03 sa crtežom lica mjesta broj: 14/2003, izvještajem o sudsko-medicinskoj ekspertizi (broj slučaja 613),
69. Fotodokumentacija sa ekshumacije, Velji Lug, Višegrad, broj: 15/03 sa crtežom lica mjesta broj: 14/2003, izvještajem o sudsko-medicinskoj ekspertizi (broj slučaja 614),
70. Zapisnik o uviđaju Kantonalni sud Goražde broj: Kri-4/03 od 27.05.2003.godine,
71. Zapisnik o izvršenoj ekshumaciji od 19.05.2003.godine Federalne komisije za traženje nestalih osoba,
72. Službena zabilješka Kantonalni sud Goražde broj: Kpp: 2/05 od 28.01.2005.godine,
73. Potvrda o predaji osobe lišene slobode Sudska policija broj: Sp-10-19/05 od 24.01.2005.godine,
74. Potvrda o prijemu osobe lišene slobode broj: Sp-10-19/05 od 24.01.2005.godine,
75. Zapisnik o lišenju slobode Uprava policije Sarajevo broj: 09-12/01-04-7-2808 od 24.01.2005.godine,
76. Rješenje o određivanju pritvora Kantonalni sud Goražde broj: Ki:21/02 od 15.04.2003.godine,
77. Rješenje o produženju pritvora Okružni sud Istočno Sarajevo broj: Kv-8/05 od 23.02.2005.godine,
78. Rješenje o produženju pritvora Vrhovni sud Republike Srpske, broj: Kr-17/05 od 12.05.2005.godine,
79. Rješenje Vrhovnog suda Republike Srpske, broj: Kž-76/05 od 09.05.2005.godine,
80. Rješenje Vrhovnog suda Republike Srpske broj: Kž-88/05 od 14.06.2005.godine,
81. Službena zabilješka sa sastanka koji je održan u Misiji Ujedinjenih naroda u Sarajevu od 11.05.2005.godine,
82. Službena zabilješka sačinjena o obavljenom razgovoru sa [REDACTED], sačinjena u Tužilaštvu BiH dana 23.06.2005.godine,
83. Presuda – ICTY IT – 98 – 32 "VIŠEGRAD" protiv Mitra Vasiljevića,

84. Fotografija osumnjičenog Šimšić Bobana,  
85. Izvještaj o kazni Policijska stanica Višegrad broj: 13-1-11/02-234-60/05 od 06.06.2005.godine.  
86. Podaci o radnom angažovanju Šimšić Bobana, dopis CJB Istočno Sarajevo, PS Višegrad, broj: 13-1-11/01-29-52/05 od 17.06.2005.godine.

### **Prijedlog za produženje pritvora:**

Na osnovu rezultata istrage to jest na osnovu prikupljenih dokaza može se zaključiti da postoji osnovana sumnja da je optuženi Šimšić Boban učinio krivično djelo Zločini protiv čovječnosti iz člana 172. stav 1. tačka h) KZ BiH na način, u vrijeme, na mjestu i pod okolnostima kako je to navedeno u radnjama krivičnog djela sadržanim u tačakama 1 do 5.h) ove optužnice.

Predlažem da sud nakon potvrđivanja optužnice produži pritvor protiv optuženog Šimšić Bobana u smislu člana 137. stav 1., a iz razloga propisanih članom 132. stav 1. tačka b) i d) Zakona o krivičnom postupku Bosne i Hercegovine.

Postoje naročite okolnosti koje ukazuju da bi ostankom na slobodi optuženi mogao uticati na svjedoke i saizvršioce koji se nalaze na slobodi (Milan Lukić, Sredoje Lukić, Joksimović Miloje i dr.). Takođe okolnosti ukazuju da bi optuženi mogao uticati na svjedoke što proizilazi iz službene zabilješke sačinjene u kancelariji Misije UN-a u Sarajevu i službene zabilješke sačinjene u Tužilaštvu BiH, povodom tvrdnje svjedokinje [REDACTED] da je dana 10.05.2005.godine telefonom tražio sastanak sa njom i njenim mužem brat optuženog Šimšić Bogdan, kako bi razgovarali o predmetu koji se vodi protiv njegovog brata, tvrdeći da njegov brat Šimšić Boban koji se nalazi u pritvoru nije kriv za ono za što se sumnjiči. Imajući u vidu da je [REDACTED] jedna od svjedokinja i žrtava izvršenog krivičnog djela koje je predmet ove optužnice opravdano se može zaključiti da bi optuženi braneći se sa slobode mogao uticati na ovu svjedokinju pa time i opravdana bojazan da bi mogao uticati i na druge svjedoke koji su predloženi ovom optužnicom.

Cijeneći okolnost da se mnogim žrtavama prisilnog nestanka tj. odvođenja iz mjesta gdje su civili bili protivzakonito zatvoreni – zatvorenicima, do danas gubi svaki trag, a opravdano se može zaključiti da nisu među živima, optuženi bi ostankom na slobodi mogao preduzeti radnje na skrivanju ostataka njihovog tijela i time otežavati pronalazak nestalih lica: [REDACTED]

Ako se ima u vidu činjenica da je optuženi lišen slobode dok je vršio dužnost policajca u Policijskoj stanici Višegrad opravdano se može zaključiti da bi optuženi puštanjem iz pritvora nastavio vršiti dužnost policajca upravo na području gdje su i izvršene sve radnje krivičnog djela koje je predmet ove



optužnice i da bi kao policajac mogao koristiti svoju dužnost da zatražuje svjedoke koji će biti saslušani tokom suđenja, a ti svjedoci svoje iskaze moraju dati u atmosferi bez pritiska i straha od odmazde, pogotovo one koji se namjeravaju vratiti na svoju imovinu sa koje su u inkriminirano vrijeme protjerani i da na taj način vrši uticaj na njih u pogledu svjedočenja na sudu.

Imajući u vidu način izvršenja i posljedice krivičnog djela za koje se može izreći kazna zatvora deset godina ili teža kazna, određivanje pritvora je neophodno za sigurnost građana jer iz dokaza, koji se u prilogu ove optužnice dostavljaju sudu, proizilazi da je većina svjedoka oštećenih izvršenjem krivičnog djela porijeklom iz istog ili okolnih sela u koja se još poslije rata nisu vratili i u kom je optuženi zajedno sa svojom porodicom stalno nastanjen tj. u selu Žlijeb, opština Višegrad i činjenicu da je optuženi sve do lišenja slobode vršio službu policajca u Policijskoj stanici Višegrad, te naklonost sredine prema optuženom nastanjene pretežno srpskim stanovništvom, opravdano se može zaključiti da bi ostankom na slobodi optuženog bio potpuno spriječen povratak raseljenih lica na svoja imanja.

**TUŽILAC**

**TUŽILAŠTVA BIH**

**Ibro Bulić**

